



Broj/Број: 01/5-50-1-175-12/04
Sarajevo/Сарајево: 3.6.2004. godine

Z A P I S N I K

12. sjednice Komisije za ljudska prava, imigraciju, izbjeglice i azil, održane 1.6.2004. godine, s početkom u 11,00 sati.

Sjednici Komisije prisustvovali su:

- Elmir Jahić, predsjedavajući Komisije,
- Tihomir Gligorić, drugi zamjenik predsjedavajućeg,
- Nadžida Mlačo, član Komisije
- Selim Bešliagić, član Komisije,
- Muhamed Altić, član Komisije,
- Marija Perkanović, član Komisije.

Sjednici nisu prisustvovali: g. Martin Raguž, prvi zamjenik predsjedavajućeg; g-đa Ruža Sopta, član Komisije i Munib Jusufović, član Komisije.

Od gostiju, sjednici Komisije je prisustvovao g. Slobodan Nagradić, pomoćnik ministra za ljudska prava BiH.

Za sjednicu je usvojen sljedeći

D n e v n i r e d:

1. Usvajanje zapisnika 11. sjednice,
2. Rasprava o Prijedlogu zakona o izmjeni Zakona o ombudsmenima za ljudska prava BiH - predlagač Predsjedništvo BiH,
3. Razmatranje prijedloga zaključaka poslanika: prof. dr. Zlatka Lagumdžije, g-đe Seade Palavrić i g. Milorada Živkovića iznesenih u raspravi na 36. sjednici PD PS BiH, o listi kandidata za generalske pozicije u institucijama odbrane Bosne i Hercegovine,
4. Obraćanja stranaka Komisiji,
5. Upoznavanje s Orijentacionim radnim planom Predstavničkog doma Parlamentarne skupštine BiH
6. Tekuća pitanja.

Ad. – 1. Usvajanje zapisnika 11. sjednice Komisije

Nakon usvajanja dnevnog reda, predsjedavajući Komisije Elmir Jahić predložio je raspravu i usvajanje zapisnika 11. sjednice. Nije bilo diskusije po ovoj tački.

Kako nije bilo diskusije po ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 11. sjednice Komisije.

Ad. – 2. Rasprava o Prijedlogu zakona o izmjeni Zakona o ombudsmenima za ljudska prava BiH
- predlagač Predsjedništvo BiH,

U uvodnom izlaganju za drugu tačku dnevnog reda predsjedavajući Elmir Jahić ukazao je na činjenice da je Komisija za ljudska prava, imigraciju, izbjeglice i azil Predstavničkog doma Parlamentarne skupštine BiH (u daljnjem tekstu: Komisija) primila je 15.3.2004. godine akt predsjedavajućeg Predstavničkog doma Parlamentarne skupštine Bosne i Hercegovine broj: 01,02-02-3-25/04, iz kojeg je vidljivo da je Kolegij Predstavničkog doma Parlamentarne skupštine Bosne i Hercegovine kao nadležnu za Prijedlog zakona o izmjenama Zakona o Zakona o ombudsmenu za ljudska prava Bosne i Hercegovine (u daljem tekstu: Zakon), predlagača Predsjedništva BiH, odredio ovu komisiju. Ustavno-pravna komisija Predstavničkog doma Parlamentarne skupštine BiH je, aktom broj 01/1-50-26-26/04, dana 30.04.2004. godine, dala mišljenje o Zakonu i jednoglasno utvrdila da postoji valjan ustavno-pravni osnov za donošenje navedenog zakona, koji je sadržan u članu IV. tačka 4. a), da je ponuđeni tekst usklađen s Ustavom Bosne i Hercegovine i smatra da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u daljnju zakonodavnu proceduru. Predsjedavajući je predložio raspravu po ovoj tački.

U raspravi su, osim predsjedavajućeg, učestvovali i g. Tihomir Gligorić, g. Selim Bešlagić, kao i predstavnik predlagača, Predsjedništva BiH (Vijeća ministara tj. Ministarstva za ljudska prava i izbjeglice BiH) g. Slobodan Nagradić.

Na sjednici je prvo raspravljano o principima i članovima predloženog zakona. Članovi Komisije su primili k znanju Zaključke Predsjedništva Bosne i Hercegovine, dostavljene kao akt broj 01-123-8/04 od 28.1.2004. godine, kojima je Predsjedništvo BiH dalo punu podršku instituciji Ombudsmena za njegovo nezavisno djelovanje u skladu s Zakonom o ombudsmenu za ljudska prava BiH, te kojim konstatuje da ombudsmeni za ljudska prava BiH trebaju imati isti status kao nosioci najviših pravosudnih dužnosti na nivou BiH i kojim se utvrđuje Prijedlog izmjene Zakona.

Nakon opće rasprave, Komisija je jednoglasno podržala principe predloženog zakona. Ona je konstatirala da na predloženi tekst Zakona nije bilo amandmana.

Nakon rasprave, komisija je jednoglasno prihvatila tekst zakona, kako ga je predložilo Predsjedništvo BiH. Ujedno je zaključila da je predloženi zakon neophodno donijeti, te ga upućuje Predstavničkom domu Parlamentarne skupštine Bosne i Hercegovine u daljnju proceduru usvajanja. U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedavajućeg Elmira Jahića.

Ad. - 3. Razmatranje prijedloga zaključaka poslanika: prof. dr. Zlatka Lagumdžije, g-đe Seade Palavrić i g. Milorada Živkovića iznesenih u raspravi na 36. sjednici PD PS BiH, o listi kandidata za generalske pozicije u institucijama odbrane Bosne i Hercegovine,

U uvodu za ovu tačku dnevnog reda, predsjedavajući Komisije je upoznao prisutne da je Komisija primila je 13.5.2004. godine akt predsjedavajućeg Predstavničkog doma Parlamentarne skupštine Bosne i Hercegovine broj: 01-50-1-15-36/2004 u vezi liste kandidata za generalske pozicije u institucijama odbrane BiH. Predsjedavajući je podsjetio da je iz navedenog akta je vidljivo da je Predstavnički dom Parlamentarne skupštine BiH na 36. sjednici održanoj 11. maja 2004. godine donio zaključak da ova komisija i Zajednička komisija za obrambenu i sigurnosnu politiku i nadzor nad radom obrambenih struktura na nivou Bosne i Hercegovine, za narednu sjednicu Predstavničkog doma dostave izvještaj o prijedlozima zaključaka povodom pitanja koja su u raspravi o ovoj problematici istaknuta.

On je ukazao na činjenicu da je prije održavanja sjednice pribavljen transkript diskusije s 36. sjednice Predstavničkog doma Parlamentarne skupštine BiH, a na sjednicu je pozvan predstavnik Predsjedništva BiH.

Kako na sjednici Komisije nije bilo predstavnika Predsjedništva BiH radi davanja uvodnih napomena po ovom pitanju, predsjedavajući Komisije je predložio diskusiju.

Članovi Komisije su raspravljali o zaključcima koje su Predstavničkom domu Parlamentarne skupštine BiH po ovoj problematici uputili poslanici: prof. dr. Zlatko Lagumdžija, g-đa Seada Palavrić i g. Milorad Živković, kao i o ukupnoj problematici postavljanja generala u institucije odbrane Bosne i Hercegovine. Konstatirano je da su zaključci prihvatljivi i dobri, ali se neki međusobno preklapaju, pa ih je potrebno preciznije izraziti. U raspravi su, sem predsjedavajućeg, učestvovali: g. Selim Bešlić, g. Tihomir Gligorić, g-đa Marija Perkanović, g. Muhamed Altić

Nakon opće rasprave, Komisija je utvrdila i jednoglasno donijela slijedeće zaključke:

- 1. Daje se podrška svim nastojanjima koja vode Partnerstvu za mir na Samitu u Istanbulu i traži se od svih institucija u Bosni i Hercegovini da izvrše svoje obaveze i na taj način omoguće ispunjenje tog cilja.**
- 2. Komisija smatra da se procesi provjere za imenovanja u Oružane snage BiH moraju voditi u skladu s relevantnim međunarodnim i domaćim pravnim aktima (Evropskom konvencijom o zaštiti ljudskih prava i osnovnih sloboda, Pravilima Rimskog puta, Ustava BiH i zakona ove zemlje).**
- 3. Komisija konstatira da proces provjere generala nije bio transparentan i nije vođen u skladu s principima o poštivanju ljudskih prava i temeljnih sloboda.**
- 4. Komisija smatra da se zakonom stečena prava iz radnog odnosa kao i prava koja se odnose na socijalni status ne mogu uskraćivati u procesu provjere.**
- 5. U želji da se osigura saradnja između institucija BiH, smatramo da je neophodno prisustvo predlagača ili njegovog zastupnika na sjednicama Predstavničkog doma Parlamentarne skupštine BiH radi što kvalitetnijeg obrazloženja ponuđenih rješenja, uključujući i Predsjedništvo BiH.**

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi po ovom pitanju Komisija je imenovala predsjedavajućeg Komisije g. Elmira Jahića.

Ad. -4. Obraćanja stranaka Komisiji,

U uvodnom izlaganju po ovoj tački dnevnog reda predsjedavajući Komisije je prisutne podsjetio na važnu djelatnost Komisije, na rješavanje zahtjeva stranaka. Ujedno je ukazao na odredbu poslovnika da se može raspravljati o predstavci samo ako predmet predstavke nije u sudskom postupku ili ako je u sudskom postupku, ali ombudsmeni u BiH ukazuju na odugovlačenje postupka. Predložio je da sekretar Komisije detaljnije članove Komisije obavijesti o pristiglim novim predstavkama.

Sekretar Komisije je ukazao na postojanje već zaprimljenih predstavi, te predložio da se raniji predmeti privode kraju, a za neke nove da se formiraju grupe. Aktuelni su predmeti: Habibe Šarić, Zvezdana Zahirović, Marka Tomšića i Momčila Krajišnika.

Nakon diskusije u kojoj su prisustvovali članovi Komisije zaključeno je:

- a) za predmet Šarić Habibe, izabrana grupa treba što prije konačno riješiti predmet s tačke razmatranja o povredi ljudskih prava i sloboda,**

- b) u predmetu stranke Zahirović Zvezdana potrebno je odgovoriti pismeno stranci, a dopis bazirati na već pristigloj dokumentaciji. Grupu za analizu slučaja čine: g. Muhamed Altić i g. Selim Bešliagić.
- c) U predmetu stranke Momčila Krajišnika grupu će činiti: g. Muhamed Altić i g. Bešliagić, a u radu traži se i učešće poslanika g. Miloša Jovanovića.
- d) Za predmet stranke Marka Tomšića dogovoreno je da se stranci odgovori da je predmet preuranjen, da stranka treba predati predmet nadležnom organu, te u slučaju spora pokrenuti sudski postupak pred nadležnim organom, te ako i tada bude smatrala da su joj povrijeđena ljudska prava i slobode, tada se može obratiti Komisiji.

Ad. 5. Upoznavanje s Orijentacionim radnim planom Predstavničkog doma Parlamentarne skupštine BiH

Na inicijativu predsjedavajućeg Komisije, sekretar Komisije je prisutne upoznao s aktom predsjedavajućeg Predstavničkog doma PS BiH broj 01-50-3-46/04 od 13. maja 2004. godine i Orijentacionim radnim planom Predstavničkog doma. Nakon upoznavanja s ovim aktom, nije bilo diskusije od članova Komisije. Oni su Orijentacioni radni plan Predstavničkog doma primili k znanju.

Ad. – 6. Tekuća pitanja.

U vezi ove tačke dnevnog reda, g. Muhamed Altić se osvrnuo na pitanje obilazaka općina, te podsjetio da sutra grupa odlazi u Bos. Grahovo, a prekosutra u Bihać.

Završavajući ovu tačku dnevnog reda, Komisija je završila svoju 12. sjednicu. Sjednica je završena u 13,00 sati.

SEKRETAR KOMISIJE

dr. Zijad Hasić

PREDSJEDAVALJUĆI KOMISIJE

Elmir Jahić

